

Na osnovu člana 20a. Zakona o radu ("Službene novine Federacije Bosne i Hercegovine", broj: 26/16 i 89/18), člana 4. Uredbe o postupku prijema u radni odnos u javnom sektoru u Tuzlanskom kantonu ("Službene novine Tuzlanskog kantona", broj 4/19), člana 6. Pravilnika o radu, člana 5. Pravilnika o postupku prijema u radni odnos u Javnoj zdravstvenoj ustanovi Univerzitetski klinički centar Tuzla i Odluke o potrebi prijema u radni odnos broj: 02-680/19 od 10.06.2019. godine, a u vezi sa Programom zapošljavanja kadrova u zdravstvenim ustanovama Tuzlanskog kantona za 2019. godinu broj: 13/1-34-8432/19 od 18.04.2019. godine, Javna zdravstvena ustanova Univerzitetski klinički centar Tuzla raspisuje

JAVNI OGLAS
za prijem doktora medicine u radni odnos na određeno vrijeme

I

Javna zdravstvena ustanova Univerzitetski klinički centar Tuzla, sa sjedištem u Tuzli, ulica Trnovac bb (u daljem tekstu: UKC Tuzla), vrši prijem u radni odnos ukupno 25 doktora medicine na određeno vrijeme, radi sticanja uslova za dodjelu specijalizacija, u okviru Programa zapošljavanja kadrova u zdravstvenim ustanovama Tuzlanskog kantona koji realiziraju Ministarstvo zdravstva Tuzlanskog kantona i Zavod zdravstvenog osiguranja Tuzlanskog kantona.

II

Prijem u radni odnos se vrši na određeno vrijeme u trajanju od godinu dana, uz probni rad u trajanju od tri mjeseca, na radno mjesto doktora medicine, na sljedećim organizacionim jedinicama:

1. Klinika za invazivnu kardiologiju 3 izvršioca,
2. Klinika za hematologiju i transplantaciju matičnih ćelija hematopoeze 2 izvršioca,
3. Klinika za onkologiju i radioterapiju 2 izvršioca,
4. Klinika za interne bolesti 5 izvršilaca,
5. Klinika za anesteziologiju i reanimatologiju 4 izvršioca,
6. Klinika za plastičnu i maksilofacijalnu hirurgiju..... 1 izvršilac,
7. Klinika za radiologiju i nuklearnu medicinu 2 izvršioca,
8. Klinika za ortopediju i traumatologiju 1 izvršilac,
9. Klinika za dječije bolesti 1 izvršilac,
10. Klinika za psihijatriju 1 izvršilac,
11. Klinika za ginekologiju i akušerstvo 1 izvršilac,
12. Klinika za zarazne bolesti 1 izvršilac,
13. Poliklinika za transfuziologiju 1 izvršilac.

III

Kratak opis poslova: Izabrani kandidati će biti raspoređeni na organizacione jedinice UKC-a Tuzla iz tačke II ovog Javnog oglasa, u statusu doktora medicine, radi sticanja uslova za dodjelu specijalizacija, te će u periodu trajanja radnog odnosa, u zvanju doktora medicine obavljati poslove dijagnostičkih i terapijskih usluga koje vrše organizacione jedinice na koje su raspoređeni, uz obavezan stručni nadzor neposrednog rukovodioca, odnosno doktora medicine-specijaliste.

IV

Kandidati trebaju ispunjavati sljedeće opće uslove:

- da su državljani Bosne i Hercegovine,
- da imaju najmanje 18 godina života (ili najmanje 15 godina života uz ispunjenje uslova iz člana 20. stav 2. Zakona o radu),
- da su zdravstveno sposobni za obavljanje poslova za koje se prijavljuju.

Kandidati trebaju ispunjavati sljedeće posebne uslove:

- da imaju završen medicinski fakultet,
- da imaju položen stručni ispit,
- da posjeduju licencu za samostalan rad izdatu od strane nadležne komore.

Pored navedenih općih i posebnih uslova, kandidati moraju ispunjavati i poseban uslov utvrđen tačkom 2. alineja 2. Programa zapošljavanja kadrova u zdravstvenim ustanovama Tuzlanskog kantona broj: 13/1-34-8432/19 od 18.04.2019. godine da bi mogli biti korisnici ovog Programa, odnosno moraju biti nezaposlene osobe prijavljene na evidenciju nezaposlenih Službe za zapošljavanje Tuzlanskog kantona.

Ispunjenost općih i posebnih uslova Javnog oglasa računa se danom predaje prijave na Javni oglas.

V

Prilikom prijave na Javni oglas, kandidati su obavezni uredno popuniti Prijavni obrazac koji mogu pronaći na web stranici UKC-a Tuzla (www.ukctuzla.ba), sekcija „Konkursi i oglasi“ i uz isti dostaviti sljedeću dokumentaciju kao dokaz o ispunjavanju općih i posebnih uslova:

- izvod iz matične knjige rođenih,
- uvjerenje o državljanstvu (ne starije od šest mjeseci),
- PBA-3 obrazac,
- diplomu o završenom medicinskom fakultetu,
- uvjerenje o položenom stručnom ispitu,
- licencu za samostalan rad,
- uvjerenje da su prijavljeni na evidenciju nezaposlenih Službe za zapošljavanje Tuzlanskog kantona.

Radi bodovanja i rangiranja kandidata u skladu sa Pravilnikom o postupku prijema u radni odnos u UKC-u Tuzla, kandidati uz Prijavni obrazac trebaju dostaviti i sljedeće dokumente:

- uvjerenje o prosjeku ocjena tokom studija,
- uvjerenje o dužini trajanja studija,
- uvjerenje o radnom iskustvu na istim ili sličnim poslovima.

Kandidati koji po posebnom zakonu imaju prioritet u zapošljavanju, uz Prijavni obrazac trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

VI

Popunjene prijavne obrasce, zajedno sa traženim dokumentima, kandidati dostavljaju u zatvorenoj koverti na adresu:

Javna zdravstvena ustanova Univerzitetski klinički centar Tuzla
Sektor za pravne poslove i ljudske resurse
Ul. Trnovac bb
75000 Tuzla

sa naznakom: “Prijava na Javni oglas za prijem doktora medicine u radni odnos – NE OTVARAJ!”

VII

Rok za prijavu kandidata na Javni oglas je osam dana od dana objavljivanja.

Svi dokumenti koji se dostavljaju uz prijavu na Javni oglas moraju biti u originalu ili ovjerenj fotografiji.

Neuredne, nepotpune i neblagovremene prijave neće se uzimati u razmatranje.

Komisija za izbor kandidata za prijem u radni odnos će pisanim putem obavijestiti kandidate, čije su prijave uredne, potpune i blagovremene, o terminu polaganja pismenog ispita. Kandidati koji na pismenom ispitu ostvare manje od 70% od ukupnog broja bodova isključuju se iz dalje procedure prijema u radni odnos.

Izabrani kandidati će biti u obavezi da, najkasnije u roku od osam dana od dana konačnosti odluke o prijemu u radni odnos, dostave ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnih mjesta za koja su izabrani.

UKC Tuzla nema obavezu vraćanja dokumentacije kandidatima.